

甘肅青史略卷之六

隋大業十三年

恭帝侑義甯元年長樂王竇建德丁丑元年魏公李德丁丑元年魏公李劉武周天興元年梁王梁師都永隆元年秦王薛舉永隆元年秦王薛舉

銑鳴鳳元年是歲并楚凡八國

春三月梁師都據朔方稱帝改鹽川郡拔之

師改鹽川郡拔之師

郎將大業末罷歸結徒起為盜殺郡丞唐世宗據郡稱大丞相聯兵突戰敗之因略定雕陰弘化延安自為梁國僭皇帝位祭天於城南坎地位祭天於城南坎地

建元永隆始舉可汗遺以狼頭纛號大鹽毗伽可汗解事天子遂導突厥兵居河南地拔度川郡

案隋鹽川郡即明之花馬池營今改為鹽池縣屬甯夏唐初沒梁師都武德元年僑治靈州貞觀元年州省以縣隸靈州二年師都平復置州天寶元年更郡曰五原貞元三年沒

吐蕃九年復城之雕陰綏德州弘化即榆林府延安即延安府皆在陝北與甘邊接壤與甯夏尤近

慕壽祺曰大業末朔方郎將梁師都與馬邑校尉劉武周各據郡起兵未幾薛舉起金城李軌起涼州與夫原州之奴賊亦聚眾保鄉里斯時也隴東隴南河西漠北不知幾人稱

帝幾人稱王矣天將生真帝王出而治世則必有無數之偽帝王以為之先驅蓋不大亂者不大治也自古如此豈但今日也哉

夏四月癸未金城校尉薛舉起兵隴西自稱西秦霸王

舉驍勇絕倫家資巨萬交結豪傑雄於西邊金城令

郝瑗募兵數千使舉將之以討羣盜舉與其子仁杲及同黨十三人劫瑗發兵開倉賑施自稱西秦霸王賊帥宗羅喉岷州羌酋鍾利俗各擁衆歸之舉兵大振隋將皇甫綰將兵屯枹罕舉選精銳二千人襲之遂克枹罕以仁杲爲齊王仁越爲晉王羅喉爲興王分兵略地取西平澆河二郡未幾盡有隴西之地衆至三十萬

案魏書地形志東梁州金城郡領直城縣河州金城郡領榆中大夏二縣宋書州郡志金城郡縣自晉安帝以來寄治漢中南鄭縣宋書及沈攸之傳稱邊榮爲金城人不言其僑治南鄭亦缺憾也隋開皇九年廢武始郡改置蘭州然隋書地理志金城縣舊注曰子城帶金城郡是蘭州雖屬新設而金城名稱如故薛舉起事時綱目書曰金城校尉仍舊名也稱

六月唐公李淵遣世子建成及世民擊西河郡拔之斬郡丞高德儒

西河郡不從淵命淵

使建成世民將兵擊之郡丞高德儒閉城拒守攻拔之執德儒至軍門世民數而殺之建成等引兵還

秋七月丙辰武威司馬李軌起兵河西自稱涼王

軌家富任俠薛舉起兵河西軌與同郡豪傑謀保據河右衆遂共推

爲主軌乃結豪民及諸胡起兵稱河西大梁王薛舉遣其將常仲興擊李軌與軌將李寶戰於昌松仲興敗沒寶欲盡阮之軌不許盡縱之

薛舉攻陷渭源城縣令裴倫死之

倫既遇害其妻柳氏謂女及子婦曰我輩遭此禍亂命也若辱於賊其若汝父之死義何遂相繼投并死

薛舉自稱秦帝徙據天水

薛舉稱帝改元曰秦興立仁果為太子遣仁果將兵取天水徙都之仁果多力善騎射軍中號萬人敵然性貪而好殺其

克天水悉召富人倒懸之以醋灌鼻責其金寶舉每戒之曰汝之才略足以辦事然苛虐無恩終當覆我國家

慕壽祺曰自古人所歸者天所與人所畔者天所去也煬帝誠天之所去非人力也薛氏乘隋室將亡取威定霸賊帥宗羅喉羌酋鍾利俗皆率眾歸之此誠天之所福宜思所以保民之道今仁果甫入秦州不聞布德音除弊政惟皇皇為搜刮金寶計倒懸富人以醋灌鼻似此苛虐成性綠林白好者尚不忍為而謂舉大事者為之乎夫以寇盜之行為雖據天上下游地而人心既去瓦解土崩旦晚間事耳初不解後之學仁果者猶曰天水完富士馬最彊藉一隅以抗九州其亦愚人也已矣

冬十一月薛舉侵扶風唐王淵清秦公世民擊敗之又使姜謩寶軌安撫隴右

舉遣仁果侵扶風李鼎拒之舉遣使招弼弼乃請降時舉率眾號三十萬謀取長安淵使世民將兵逆擊大破之又使姜謩寶軌安撫隴右進至長道為薛舉所敗謩等引還

張掖康老和舉兵反

隋河池太守蕭瑀以郡降唐

先是薛舉使其子仁越掠河池太守瑀卻之使仁果圍秦州克之遂自金城徙都秦州至是李淵使姜謩寶軌出散

關安撫隴右為舉敗於長道引還河池太守瑀以郡降唐以瑀為禮部尚書封宋國公時榆林靈武平涼安定漢陽諸郡相繼皆降於唐

是歲姑臧公世民復安定郡

初煬帝大業十二年秋九月安定荔非世雄殺臨涇令舉兵作亂至是收復

案元魏改晉安定郡為涇州領郡六縣十其安定郡在今鎮原縣史店馬家地其地有當原城有胡城領縣五曰安定曰臨涇曰朝那曰烏氏曰石堂隋開皇初又徙治在今涇州

是漢安定縣舊地非漢晉之安定郡也

吐谷渾伏允復其故地

先是大業五年夏帝親征吐谷渾時伏允保覆袁川帝命內史元壽等四面包圍伏允以數十騎遁平吐谷渾置鄯善郡並置

且末青海河源總四郡青海郡在古伏俟城河源郡在青海南本吐谷渾赤水城至是天下大亂羣雄蜂起伏允遂復吐谷渾地

慕壽祺曰煬帝既破吐谷渾郡縣青汗其意氣之盛將與秦皇漢武並駕齊驅矣曾幾何時復為伏允所得與王莽如出一轍何失之易也夫內政不修徒務遠略終非國家之福

古今似此者多矣
豈煬帝而已哉

戊寅 隋恭帝侑義寧二年

恭帝侑皇泰元年唐高祖神堯皇帝李淵武德元年夏王竇建德五鳳元年梁王李軌安樂元年楚王朱粲昌運元年是歲二

月隋煬帝亡

夏四月武都宕昌五原等郡降唐唐以張長遜為五原太守

初五原郡守張長遜

以中原大亂舉郡附突厥郝瑗說薛舉與梁師都及突厥連兵入寇突厥莫賀咄設許之唐主遣宇文歆賂莫賀咄設且為陳利害並說莫賀咄設遣張長遜入朝歸五原地莫賀

咄設並從之至是武都宕昌五原等郡皆降即以長遜為五原太守

案唐志宕州懷道郡本宕昌郡在今岷縣境天寶元年更名土貢麩金散金麝香戶千一百九十口七千一百九十九縣二懷道良恭今岷縣正南一百三十里有宕昌鎮即隋之

宕昌郡也

五月隋西戎使者曹瓊據甘州李軌滅之拔張掖

軌隋鷹揚府司馬也初薛舉據金城軌與同郡曹克謀曰薛舉必來

侵暴不如相與拒之保守河西衆奉為主軌乃令安修仁集諸郡守姑臧自稱涼王敗薛舉於昌松西突厥有闕可汗者與軌連和隋西戎使者曹瓊據甘州聯突厥共擊軌兵大敗走達斗拔谷與吐谷渾相依軌尋滅之進拔張掖敦煌西平枹罕盡有河西五郡之地

案甘州府志達斗拔谷即大斗拔谷之轉音也山丹縣志大斗拔谷在縣東南一百二十里俗訛為匾豆溝口一統志云即今扁都口也府志通青海道今往青海西甯多由此隋伐吐谷渾經大斗拔谷山路險隘魚貫而出唐貞觀八年李靖討吐谷渾還上遣使勞軍於大斗拔谷又永昌縣志大斗在縣西南元和志在涼州西二百里本赤水軍守提唐開元中改為大斗軍因大斗拔谷故名天寶初以哥舒翰為大斗軍副使

薛舉攻平涼郡陷之

高祖入長安薛舉猶據隴右遣其將宗羅喉攻陷平涼郡北與頡利連結高祖患之遣光祿卿宇文歆齎金帛以賂頡利歆說之令絕交

於薛舉

唐約吐谷渾擊李軌

先是隋煬帝初吐谷渾王慕容伏允遣子順來朝帝令鐵勒襲擊大敗伏允東走保西平郡帝復令親王雄出澆河以掩之大破其

衆伏允遁逃部落來降十餘萬口伏允因南遁於山谷間其故地皆空自西平臨羌城以西且末以東祈連以南雪山以北東西四千里南北二千里皆爲隋有置郡縣鎮戍發天下輕罪徙居之於是留順不之遣伏允無以自資率其徒數千騎客党項大業末天下亂伏允之長子順前質留於江都者聞高祖受命自江都還長安伏允亦復其故地是時李軌據涼州高祖乃約伏允和令擊軌自效當護送順伏允喜引兵與軌戰庫門交綏止即遣使請順高祖遣之

案西甯府志古西平郡有二魏晉西平本漢臨羌縣地唐爲鄯城縣宋爲青唐城置西甯州即今府治隋西平乃漢破羌縣地唐宋時爲樂郡唐爲鄯州宋爲邈川城置樂州在今縣西又敦煌縣志且末城在縣西漢書鄯善國西通且末七百二十里國王治且末城

慕容祺曰甘肅誠多事區哉必待政府出兵鄰邦援救軍事頃刻萬變雖鞭之長不及馬腹矣即令大軍雲集而遠來疲憊人地生疎能保其一戰而勝乎有心人盱衡其間計惟有用甘肅之兵平甘肅之亂否則以毒攻毒我可以坐享其成此策之萬全者也觀唐高祖之平李軌但用一伏允足矣

秋七月唐秦王世民與秦主舉戰於高墪敗績

舉由天水進逼高墪游兵至於岐勢益張唐主命秦王世民及八總管

率兵擊之秦王深溝高壘不與戰會世民得瘡疾委軍事於長史納言劉文靜司馬殷開山且戒之曰薛舉懸軍深入食少兵疲若來挑戰慎勿應也俟吾疾愈爲君等破之開山退謂文靜曰王慮公不能辦故有此言耳且賊聞王有疾必輕我宜曜武以威之乃陳於高塢西南恃衆而不設備舉潛掩其後王子戰於淺水原八總管皆敗士卒死者十五六大將軍慕容羅喉李安遠劉私基皆沒世民引兵還長安舉遂拔高塢收唐兵死者爲京觀文靜等皆坐除名

案舊唐書劉文靜傳薛舉寇涇州太宗討之以劉文靜爲元帥府長史又劉弘基傳弘基從太宗討薛舉時太宗以疾頓於高塢城弘基劉文靜等與舉接戰於淺水原王師不利八總管咸敗惟弘基一軍盡力苦鬪矢盡爲舉所獲高祖嘉其臨難不屈賜其家粟帛甚厚仁果平得歸復其官爵又殷嶠傳嶠從擊薛舉爲元帥府司馬時太宗有疾委軍於劉文靜誠之曰賊衆遠來利在急戰難與爭鋒且宜持久待糧盡然後可圖嶠退謂文靜曰王體不安慮公不濟故發此言宜因機破賊何乃以勅敵遺王也久之言於文靜曰王不豫恐賊輕我請耀武以威之遂陳兵於折塢爲舉所乘軍乃大敗嶠坐滅死除名後從平薛仁果復其爵位

案一統志高塢城在涇長兩界後魏以長武爲東陰盤縣其故城在今長武縣西北五十里與涇州連界唐武德初薛舉陷涇州進逼高塢卽此涇州與長武接壤唐貞觀二年復置宜祿縣卽今長武集覽謂高塢城名在今直隸霸州保定縣殊誤蓋高塢在陝甘分界處地屬薛舉去保定縣相去甚遠保定乃燕南之地時爲夏王竇建德所據

八月秦主舉卒子仁果立

郝援言於薛舉曰唐兵新破關中騷動宜乘勝直取長安舉然之會病卒郝援哭舉而死仁果爲太子時與諸將多有隙

及卽位衆心猜懼由是寢弱秦王世民至高墪時仁果居折墪城使宗羅喉將兵拒之羅喉所將皆隴上驍將悍卒

案通鑑考異唐高祖實錄先作仁果後作仁果新舊唐書高祖太宗紀薛舉傳柳芳唐歷柳宗元集皆作仁果太宗實錄吳兢太宗勳吏革命紀焦璐唐朝年代記陳嶽唐統記皆

作仁果今禮泉昭陵前有石馬六匹其一銘曰日曉鳥平薛仁果時所乘此最可據姑兩存之以備參攷

又案涇州志折墪城在州東北十五里西魏涇州刺史乙弗貢所築隋末薛舉屯據於此舉死仁果復竊據武德元年討平之明一統志薛舉城卽折墪城張煥先薛舉城詩昔年

擾擾風塵地回首悽迷幾斷腸破壘晚霞翻落綺殘籬新月照邊陲干霸氣一朝歇墪城圖雄圖兩世忙豫信孤兒無寸土山河悔不早歸唐

慕壽祺曰薛舉言論事功無所攷然其人非執迷不悟者比初舉陷扶風乘勝謀取長安爲秦王世民所敗追奔至隴坻而還舉問其羣相曰自古天子有降事乎其歸唐之意露

於言外使郝援迎其機而利導之則趙佗歸漢劉禪仕晉轉禍爲福薛氏之幸唐人總管之師亦可以保全乃褚亮勸之降郝援阻之甚力所謂一言喪邦者是之謂與後哭舉而

死又何取乎

秦圍涇州唐兵敗績守將劉感死之

武德初感以驃騎將軍戍涇州至是爲仁果所圍縑盡殺所乘馬啖士而責骨自飲和木屑以

食長平王叔良救之與叔良出戰爲賊所執令感約城中降感僞諾至城下大呼曰賊大飢亡在朝暮秦王數十萬衆且至勉之無苦仁果怒執感埋其半土中馳射之至死詈益

萬賊平高祖購得其尸
祭以少牢贈瀛州刺史

案甘肅通志唐初涇州鎮將劉感自高塢引還涇薛仁果自南原馳下與感戰於百里細川感爲所擒高塢城在涇州南原上百里城在靈臺縣境細川水源出陝西麟游縣細川谷流入靈臺縣東南二里上流與蒲川合下流與三交川合

案靈臺縣志百里城在縣西五十里亦曰百城唐李元諒築卽今百里鎮九域志靈臺縣有細水酈道元水涇注蒲川水在靈臺縣南出南山蒲谷東北合細川水後魏永安三年高平賊万俟醜奴屯安定耕於細川卽此

冬十一月涼王軌稱帝

先是唐主欲與李軌共圖秦隴遣使招撫之謂之從帝軌大喜遣弟入貢唐遂册拜軌爲涼王至是自稱帝改元安樂

唐秦王世民破秦兵圍折塢秦王仁果出降

時世民軍高塢堅壁不出諸將請戰世民曰我軍新敗士氣沮喪賊恃勝而驕

有輕我心宜門壘以待之彼驕我奮可一戰而克也乃令軍中曰敢言戰者斬相持六十餘日仁果糧盡所部多降世民乃命梁實營於淺水原以誘之羅喉大喜盡銳攻之數日世民度其已疲謂諸將曰可以戰矣使羅玉陳於原南羅喉并兵擊之玉幾不支世民乃引大軍自原北其不意自帥驍騎陷陳羅喉軍潰世民帥騎追之寶軌叩馬苦諫世民曰破竹之勢不可失也遂進圍之仁果將士多叛計窮出降得其精兵萬餘人世民還至長安唐主命誅仁果於市并酋黨數十人

案唐地理志原州平涼郡領縣三治高平本隋平涼郡武德元年平薛仁果置貞觀五年
置中都督府管七州曰原州即今鎮原縣曰慶州即故慶陽府曰會州即今靖遠縣曰延
州即陝西故延安府曰寧州即今華亭縣曰達州要州未詳處所十年省寧達要三州惟
督四州是鎮原在唐初最爲重要薛仁果進圍涇州居高塢城秦王帥數十萬衆四面俱
集東至邠州長城北至原州平高皆爲王師屯住之地鎮原縣志淺水原在縣屯子鎮東
下爲淺河鋪上爲淺水原其下流則入陝西長武縣境今邠州城西九十里宜祿縣北
五里有後魏淺水縣因水而得名也唐地理
志貞觀二年置宜祿即今邠州所屬長武縣

又案舊唐書屈突通爲太宗行軍元帥長史從平薛舉時珍物山積諸將皆爭取之通獨
無所犯高祖聞而謂曰公清正奉國著自終始名下定不虛也特以金銀六百兩綵物一
千段賜之又竇抗傳楊玄感作亂高祖統兵隴右竇抗言於高祖曰玄感抑爲發縱耳李
氏有名圖籙可乘其便天之所啓也高祖曰無爲禍始何言之妄也大業末抗於靈武巡
長城以伺盜賊及聞高祖定京城抗對衆而忤曰此吾家妹壻也豁達有大度真撥亂之
主矣因歸長安高祖見之大悅握手引坐曰李氏竟能成事因縱酒爲樂尋拜將作大匠
武德元年以本官兼納言常侍宴移時或留宿禁內高祖每呼爲兄而不名也宮內咸稱
爲舅常陪侍遊宴不知朝務轉左武侯大將軍領左右千牛備身大將軍尋從太宗平薛

舉勳居

第一
慕壽祺曰隋末之亂極矣是時天下騷擾百姓多相聚爲亂豪傑蜂起李密據洛口倉韓
魏公竇建德據樂壽稱長樂王林士弘據翻陽稱楚帝薛舉據天水稱秦帝李軌據武威

稱涼帝蕭銑據巴陵稱梁帝劉武周據馬邑稱定陽可汗梁師都據朔方稱梁帝杜伏威據歷陽稱總管而李淵亦起兵於太原淵得突厥援子世民又神武蓋世遂入長安繼起者又有字文化及之爲許帝王世充之爲鄭帝高克道之稱燕王劉黑闥之稱漢東王徐元朗之稱魯王沈法興之稱梁王李子通之稱吳帝朱粲之稱楚帝郭子和之稱永樂王唐初號令殆不及河南關東秦王世民之力六年之間次第削平海內復見一統之治蓋由分而合自關定數撥亂反治實賴聖人李密見秦王於邠州不覺驚服私謂殷開山曰真英主也不如是何以定禍亂乎正唐高祖武德元年十一月秦王薛仁果出降時也

附舊唐書隋大業中秦隴盜賊蜂起以屈突通爲關內大使時安定人劉迦論舉兵反據隴陰郡僧號建元署置百官有衆十餘萬稽胡皆領劉鷁子與迦論相影響通發關中兵擊之臨安定初不與戰軍中以通爲怯通乃揚聲旋師而潛入上郡迦論不知覺遂進兵南竄去通七十里而舍分兵掠諸城邑通候其無備簡精甲夜襲之賊衆大潰斬迦論并首級萬餘於上郡南山築爲京觀虜男女數萬口而還

十二月唐遣竇軌討薛舉餘黨於隴西

今西和縣西北有鄧公營謂唐初行軍元帥鄧國公竇軌屯兵處

隋唐

(已)隋恭帝侗皇泰二年唐武德二年鄭王王世充開明元年梁王沈法興延康元年吳王(卯)李子通明政元年是年以後分據諸國依去國之例非建國改元嗣位歲首俱不備錄

春唐以楊恭仁爲涼州總管

恭仁素習邊事曉羌胡情僞民夷悅服自葱嶺以東並入朝貢

高昌王麴伯雅死子文泰嗣

遣使來告哀高祖遣前河州刺史朱惠表往弔之

案史高昌王本漢族雖僻在西垂而其國別有文字狀如今蒙古文亦一字一音明初十國譯語中有高昌一種其王文泰於武德初嗣位年號延壽太宗貞觀十三年以麴王退絕西域朝貢復與突厥擊伊吾破焉耆下書切責徵文泰入朝又稱疾不至唐發兵討之文泰憂懼而卒國降以其地置西州先是貞觀三年玄奘禪師求法於婆羅門國由敦煌至高昌國文泰厚待之瀕行則爲度沙彌四人以充給侍製服三十具以西土多寒又造面衣手衣靴襪等各數事黃金一百兩銀錢三萬綾及絹等五百匹手力二十五人令充二十年往還之資復遣殿中侍御史歡信送至葉護可汗衙又作二十四封書通屈支等二十四國每一封書附大綾一疋爲信又以綾絹五百疋果味兩車獻葉護可汗

突厥始畢可汗將其衆渡河至夏州梁師都發兵會之

曲赦涼甘瓜鄯肅會蘭河廓等九州

先是元年秋八月己丑以秦王世民爲元帥擊薛仁果居折墘城丁酉臨洮等四郡來降至是

詔赦會蘭河廓等九州夏四月河西平復曲赦甘州

夏四月唐遣安興貴襲執涼王軌以歸殺之河西平

先是唐册使至涼州軌欲去帝號受唐爵曹珍請依蕭督事魏

與貴說軌曰今
唐殆天啓非人
力也若往歸之
則實融之功復
見於今日矣軌
曰吾據山河之
固彼若我何

故事軌乃遣鄧曉奉書稱皇從弟大涼皇帝臣軌唐主怒乃遣吐谷渾伐之至是軌將安
修仁之兄興貴仕長安表請說軌唐主曰軌豈口舌所能下興貴曰臣家在涼州與世豪
望為民夷所附弟修仁又軌所信任軌聽臣固善不聽則圖之唐主乃遣之興貴至涼州
乘間說軌以寶融故事軌不聽興貴乃與修仁結請羌起兵擊軌軌敗被執河西平軌至
長安斬於西市唐主以興貴
修仁為左右武侯大將軍

慕壽祺曰李軌之不足成事也久矣夫寶融據河西張軌據姑臧罔不困解倒懸滂流愷
澤藹藹然可謂有愛民之心者矣李軌因隋之亂竊據一方官師法先哲子惠黎元斯邦
本立而霸業成焉計不出此日汲汲焉發民築臺勞費甚廣加之饑饉河右人相食軌
初傾家財以賑之不足繼發倉廩是猶可與為善也乃惑於謝統師等之言坐視饑民之
死而不之救由是士心離怨即無安興貴之襲殺軌亦不能久存
蓋國以民為本民以食為天民無所得食雖欲不亡其可得乎

置鄯州西平郡都督府

先是西魏文帝大統四年以柳檜為都督鎮鄯州隋煬帝大業
五年詔安德王觀為澆河道總管五月帝至西平陳兵講武唐

運方新首重西平
得馭夷之善策矣

突厥寇涼州

突厥莫賀咄設寇涼州總管楊恭
仁戰敗突厥掠男女數千人而去

(庚辰)唐武德三年是歲並楚夏定陽梁師都梁
蕭銑鄭梁法興吳凡九國定陽梁法興亡

秋七月丙戌梁師都導突厥稽落胡

寇邊行軍總管段德操又敗之

師都說突厥處羅可汗曰比者中原喪亂分爲數國勢均力弱故皆北面歸附突厥今定陽旣亡天下將

悉爲唐有師都不辭灰燼亦恐次及可汗不若及其未定南取中原師都請爲鄉導處羅從之謀大舉入寇而卒立其弟莫賀咄設咄苾號頡利可汗

詔以甯州道爲折威軍涇州道爲天紀軍

武德初置軍府以驃騎車騎兩將軍府領之甯州道涇州道皆置府至是改折威軍

天紀軍六年改驃騎曰統軍車騎曰別將

案太宗貞觀十年更號統軍爲折衝都尉別將爲果毅都尉諸府總曰折衝凡府三等兵千二百人爲上千人爲中八百人爲下府置折衝都尉一人左右果毅都尉各一人長史兵曹別將各一人校尉六人土以三百人爲團團有校尉五十人爲隊隊有正十人爲火火有長兵之戍邊者大曰軍小曰守捉曰城曰鎮而總之者曰道

又案隋置十二衛曰翊衛曰驍騎衛曰武衛曰屯衛曰禦衛曰侯衛各分左右皆置將軍以分統諸府之兵有郎將副將坊主團主以相統治其外又有驃騎車騎二府皆有將軍後更驃騎曰鷹揚郎將車騎曰副郎將別置折衝果毅

慕壽祺曰唐有天下二百餘年而兵之大勢凡三變其始盛時有府兵沿隋舊制也自府兵廢而爲彊騎彊騎又廢而方鎮之兵起矣高祖初得天下都

長安以涇州

今涇川縣甯州今甯縣

兩道爲畿輔皆置府後又改爲涇原

原州今邠甯鎮原縣

邠卽甯州

節度使而終無藩鎮之禍者蓋密邇神京之故耳

秋八月梁師都寇靈州州將蘭興榮長史楊則擊走之

師都又與突厥千騎營野猪嶺延州總管段德操勒

兵不戰師都氣懈遣兵進擊戰酣德操自以輕騎出其旁乘之師都大潰逐北百里俘馘甚衆未幾以步騎五千入寇德操又盡屠其軍降堡將張舉劉旻六年其將賀遂索周以

所部十二州降德操

冬十二月己酉瓜州刺史賀拔行威反

瓜州晉昌郡唐初析沙州之常樂置至五年五月庚寅瓜州人王幹殺賀拔行威以降

(王)唐武德五年漢東王劉黑闥天(午)造元年是歲楚亡並梁凡三國

夏六月辛亥以車騎將軍元韶爲瓜州道行軍

總管以備突厥

吐谷渾寇洮旭疊三州岷州總管李長卿敗之

旭州後周置在故洮州西南隋改桃源縣唐武德八年廢

秋八月甲寅吐谷渾寇岷州益州道行臺左僕射竇軌敗之

(庚申)突厥寇原州彭州命秦王世民出秦州道禦之突厥頡利可汗寇邊遣左武衛將軍段德操將兵拒之頡利又

遣兵寇原州及彭州世民出秦州道以禦之段德操趨夏州邀其歸路尋寇廉州陷大震關

案彭州在今慶陽西南八十里本漢彭陽縣地後魏破赫連定於此置彭陽縣隋改曰彭原因彭池原為名唐武德初改置彭州貞觀初州廢縣屬甯州宋屬慶州元省餘見後肅

宗至德二載春正月帝如彭原注

(己巳)吐谷渾寇洮州

秋九月癸巳靈州總管楊師道敗突厥於三觀山

(丙午)鎮軍將軍安興貴敗突厥於甘州時突厥內侵自邠東為諸將所逐至甘州又敗之

案唐志甘州張掖郡領縣二曰張掖曰刪丹張掖西北一百九十里祁連山北有建康軍元年王孝傑以甘肅州相拒回遠置西一百二十里有蓼泉守拙城刪丹東北有居延海

又北三百里有花門山

冬十一月封靈州總管路陽公王道宗為郡王先是武德四年突厥寇靈州命李叔良率五軍擊之中流矢死贈左翊衛